

劉文清公遺集

劉文清公遺集目錄

卷之一

五古四十三首

有驥在野

朝日載昇

自箴四首

效江文通雜體詩三十首

雜擬七首

卷之二

五古四十八首

和張子慕青韻三首

河亭和韻

擬梅聖俞觀毘陵寧公畫草蟲

擬高青邱太湖

擬東坡惠山三首

擬東坡玉女洞

讀東坡和陶詩

擬陶淵明經曲阿作

古宮怨

題畫貓和韻

讀戰國策

荷花翠雀

題畫

和涪翁竹石牧牛韻

題畫

和廿六弟龜石研

陸賈

擬雪事八詠

讀孟東野詩用東坡韻

月夜讀天台三大士詩

擬唐人望微雨

望江上山用太白詩韻

遊仙

卽事用韋蘇州韻

題畫二首

海市

眼鏡

樂全堂印

望嶽用杜少陵韻

皇六子出示素冊乃近日詩藁一紙有汪持齋
評語持齋淹逝爲之感愴承教作詩書於冊
末

繩莽相國遺照四首

齋居偶作

謁明道先生祠

卷之三

七古四十首

白紵歌二首

行見月

飲馬長城窟行

效王龍標
瑩篴謠

短歌行

望夫石

寶劒歌

射虎行

精衛詞

遠將歸

春野行

吳苑行

汝爲我楚舞

董逃行

失釵怨

關山月

臺城曉朝曲

行路難

陽春曲

古釵歎

春別曲

三解

春江花月夜詞

讌客詞

蘭塘詞

春曉曲

拔劒擊柱歌

洗研

水僊謠

謝公墅歌

寄遠曲

田家畱客

效王仲初

春來曲

春去曲

公無渡河

田家行

別鶴曲

烏棲曲

擬高啟贈張宣草書歌

擬東坡贈錢安道兼寄其弟惠山山人

擬楊廉夫張公洞

卷之四

七古十九首

古銀槎歌

擬王右丞桃源行

海市用東坡韻

莽蜂

驅蒼蠅

研山歌

題畫松

題施靜波畫冊四首

題或人岫巖碑詩後

玉波冷雙蓮

并序

慈恩寺塼題名拓本

題研

曹劒亭朱竹君石君見和齋中研山之作再用

前韻柬之

覺生寺大鐘歌和韻

舊滄州鐵獅子歌

村樂圖次韻

卷之五

七古二十七首

題裘司空斷碑研圖

并序

善溪十六叔父寄惠溫公神道碑摹本賦呈

題沈民則字冊

永樂中勅諭五道

竹刻王質觀碁圖

伏生授經圖

范蠡載西施圖

送周景垣座主奉使琉球

終軍

赤壁圖

閻立本職貢圖

前燎螽

後燎螽

陽明山人銅章歌

和王臨川杭州修廣師法喜堂韻

再用王介甫法喜堂韻

浴象圖

熊野山徐市廟

贈金華隱者

次韻題五君子圖

浣花溪圖引次山谷韻

題夏博士畫王右軍像

子昂射虎圖

九日登高和敬菴十兄韻

先文正公與尹文端公南河差次倡和詩用東坡黃茆岡韻自書墨蹟懽子敬和一首並求

丹年相國賜題

丹年相國詩來賦謝

疊韻求蔗林相國惠題並求諸公同作

石君前輩惠示新集敬和冒雨尋菊圖一首以
申傾倒之懷

卷之六

五律五十八首

槎河山莊

并序

君山眺覽

擬皇甫曾送陸羽歸惠山采茶

擬高青邱夜投西神寺

擬李頎題獨孤常州湖上林亭

擬杜樊川題茶山

擬高青邱春申君祠

擬郎士元送韓司直路出延陵

擬韋左司奉送從兄宰晉陵

擬陸龜蒙送延陵張宰

擬張祐晚次荆溪呈崔明府

擬杜樊川茶山下作

擬山谷送舅氏之官宣城二首

手鑪

暖研

苔

隻輪車

擬趙嘏廣薛道衡昔昔鹽二十首

紙扇

園碁

詠錢

詠剪刀

擬唐人作並和元韻二首

和劉補闕秋園寓興十首

卷之七

五律六十一首

學書二首

簾

草

雨晴四首

明妃曲

題梁幼循秋水歸帆圖三首

題桃源圖

書齋八詠

銷暑十詠和韻

叔父抑齋先生之官分宜命作詩送行恩恩未
就別後却寄四章

鄒縣謁孟子廟

題雲巖詩藁即以爲別雲巖畱余齋浹旬與同年伊丹木從甥丁文圃昕夕譚讌故末章及之

瓜和韻

效白香山何處春深好二十首

卷之八

五律六十三首

滁州

周不窋廟和韻

酬望山尚書

題畫觀音像

善溪精舍

李廣銅印

黻子

詠箸

戲嬰圖次高青邱韻

塞上雜詠十首次韻

蟬聯體賦得松風雪月天花竹鶴雲煙詩酒春

池雨山僧道柳泉

水殿圖

和錫明孝廉見和秋懷之什

湓浦琵琶圖

聞歌擬宋人作

擬太白江上送女道士褚三清遊南嶽

大雪日喜雪

蒲筍同澹園二十六弟作

琴意寫照

雜詠十首

竹節刻印

文曰宋
免有情

豐山前輩以雙魚見惠賦謝索和二首

汪明府本直訪元遺山墓葺之索詩爲作二首

薏草

卷之九

七律五十六首

擬唐人作四首並次其韻書寄廣如弟

和梅都官送王郎中知江陰同張慕青作

和元人君山詩

擬唐人晉陵大酺

擬楊廉夫訪倪元鎮不遇

擬閩門夜眺

謝送宣城筆擬山谷作

擬南郊禮成七首

長夏攤書偶成十二首

梨花用張吉甫韻

漁父用李扶風韻

孔雀

倚樓用高季迪韻

古樹苔封

讀三國志二首和韻

蘆花

詠史十首

擬唐人作七首並和元韻

再贈趙雲崧

卷之十

七律五十六首

落花詩六首和韻

再和

再和

和鄭悅山歲寒三友詩

荔子和曾茶山韻

和陳后山立春

和高青邱梅花九首

題竹

水木清華四首

磨鏡

題畫仙人

水僊

澤州道中作

贈鉅琛姪

壽州道中得鶴三焉詩以紀之

除夕和幕中諸友作

再遊瑞巖寺和元人壁間韻

贈團扇舟次高郵作

送張真人歸山之作

題明魏忠節公暨公子孝烈先生遺像冊

和沈虹舟秦中雜詩次韻二首

暮色次韻

奕碁

并引

題金二雅蘭亭卷

卷之十一

七律五十一首

代書答姪鑲之三首

贈雲樾幼子翥升

并序

竇東臯前示謁王文成祠詩依韻和作

送松崦五兄伴送琉球使臣至福建兼呈十四

叔父十五叔父四首

恩授江寧知府次韻奉酬望山相國見贈之作三首

溪山無盡圖

書船入蜀圖擬元人作呈十六叔父

題淳化閣帖臨本四首應 皇六子教

次韻和夢禪

山莊奏事歸途中有作示姪鏤之

東嵩撫棠學士

奉和惺園大司馬九松山同宿用壁間韻二首
丙午秋日用九松山僧寺壁間韻二首呈定圃

大宗伯

題德文莊公夏雲多奇峯賦

東井澄泥研

壽永平太守單某六十

題張照臨座位帖

用韻奉東松崦五兄

宋高宗瑞應圖

汪稼門臬使誦先圖二首

題朱某墨蹟

并引

涑水道中寓

歸漢升盆梅詩以送之

盆梅和廿七弟韻

仙人睡像

再遊飛來寺

張文獻公祠

二禺祠

古碑

古鐘

古寺

古墓

古戍

古驛

岳忠武

卷之十二

七律四十七首

題高南阜畫

盆梅

嚴子陵垂釣圖

水僊花

柳絮

桃源圖

燒香曲

華清宮和韻

望華亭

范蠡

歸猿洞

朱陳嫁娶圖

詠象碁

韓蘄王故里

舒城懷荆公作

并序

大士巖

贈日者

贈相者

淑清院趨直即事恭紀

回道入畫像

壽粵東某都閩

重九日遊白雲觀

讀吳梅村集

范蠡宅

武昌懷古

客至用少陵韻

楊椒山書院

讀友人新樂府

送文甫弟還里

題單某山水

題曹麟書學士名山圖奉善溪十六叔父

海市

金圃少宰惠烘豆賦謝

以自製餠餠奉饋金圃並小詩索和并引

畫菊

題曰二喬
觀兵書

詠鴈字四首

題畫菊

題曰二喬
觀兵書

紅蘭

卷之十三

七律五十九首

張晴嵐前輩畫水僊卷

蘭泉司寇惠水僊木瓜賦謝索和二首

祝劉某雙壽

漳浦相國前輩九十壽四首

詠白鷹

銷寒雜詠四首

風門效雲楮作

人日立春

四十二章經書後

又四十二章經書後

寒香課子圖

眼鏡

芝巖研山

石榴

榆錢

冬筍

橙糕

佛手柑

木瓜

鹿尾

右旋海螺

從弟叔雅之官浮山以芝巖研山送行並賦此詩
明人書四十二章經

嵩山古柏圖

雪獅子和韻

趙儕鶴鐵如意

摺疊扇

鐘研

寄澹園二十六弟

再柬澹園

佩循姪送水仙花詩以酬之

雲坡尚書四友圖二首

觀物四首

戒殺

戒淫

衆生壽者二首

王元照山水用漁洋山人韻

齋宮夜雨

暖研二首

彈琴次七弟韻

題研

羊太傅故里

從姪鈞和旋里賦此送之

惺園相國予告將旋次石君前輩韻賦送

承

恩赴江陰學署吏部侍郎鑲之任所齋

御書扁額賜物爲母九十生日路經齊河晤鐵冶亭

中丞別後有詩見寄即依韻奉和

江陰回復晤冶亭於齊河疊前韻柬之

卷之十四

五絕二十二首 六言十七首

題遠浦歸帆圖

擬李益答廣宣供奉問蘭陵居

擬王弇州題朱光祿江離館十首

題單潤亭表兄秋景扇頭八首

畫鷹

擬太白鄒衍谷

擬韓翃宿甌山

又別甌山

題畫三首

秋思二首

甲辰重陽日十刹海鐙下作四首

山雨欲來

題扇

澹園言歸以定南鍼盤贈行四首

卷之十五

七絕一百三首

擬東坡與孟震同遊常州僧舍三首

擬東坡雙楠木

擬東坡贈常州夜息長老

擬山谷贈米芾二首

題東林書院四首

代書東盧紹弓侍講四首

靜坐池亭

郭熙秋山平遠圖二首用東坡韻

題畫四首擬東坡作

題洞庭女子方掄冰自寫小照二首

畫眉曲七首和韻

讀中州集

湘江曲

詠蒲葵扇

學書偶成三十首用元遺山論詩絕句韻

詠冰

風箏和唐人韻

觀碁九首

戲題士女圖四首

東阿王

題畫四首

月夜懷趙雲松秀才二首

從軍行

擬唐人長門秋怨

階前雙竹

東村十景圖十首

卷之十六

七絕八十七首

玉達齋屬題公餘習射圖四首

題任月山進馬圖

寶應道中扈

蹕將歸南風不休舟行未疾得詩頗多既以自解並

憶敬菴十兄

題畫羅漢像四首

乙未春日家書自萊陽回十六叔父以李息齋
畫竹高季迪題惠寄次韻八首示姪鏗之即
錄呈十六叔父

題十景圖畫冊後四首

題畫

題樞辰姪壁

題雲巖小照四首

擬范石湖作九首

輿中二首

燕窩四首

馮青方楨卿兩先生竹石墨本爲蓮塘觀察題

四首

賺襖序圖

澹園索詩次韻二首

寄澹園二首

題月田尚書聽泉圖小照四首

題畫

又題畫

寄澹園二首

虞美人花

繡球花

題沈欽伯山水

題二僊圖

僊人抱琴圖

題唐六如雜畫十首次其自題韻

劉文清公遺集卷第一

五古四十三首

有驥在野

有驥在野野人不知九方言之圉人尼之圉人何仇
九方何恩在野以終勝彼大存應圖求駿獲駿弗庸
千里莫致圉人論功

朝日載昇

朝日載昇載昇孔嘉寒谷以溫百穀奮芽雲或翳之
陽光弗宣溫者以沍芽者用愆有風倏來來朝日之
下雲淨日輝其惠曷涯望風之來兮尚其勿賒

自箴四首

五鼎薦八珍孰曰非正味窶人病未能謬云太羹貴
傾囊祛筐篋有無可立試常時薄百牢不辦一簞食
執筆爲文章原欲抒所有苟不迫於中何由出諸口
非蠶莫望絲無米若爲酒經籍塞兩儀能助隻字否
爲學患不知旣知苦未勇護疾而忌醫見藥反增恐
豈必無萌蘖生意不相踵戒之後勿然嘉穀庶有種
嗜好一以偏所學非所用北轅欲適楚退飛如過宋
居閒常蹶蹶臨事轉夢夢何不速挽回道在內自訟
效江文通雜體詩三十首

古別離

悽悽復惻惻茲宵恩愛重晨興與君別萬里分征鴻

君歸無歲年妾貌驚飛蓬江海兩萍游浩蕩無由逢
異域悲故鄉回首路茫茫妾身守空閨思君九迴腸
牽牛與織女一別永相望

李都尉

從軍

陵

親知來何爲酌酒臨前除聞我將遠行談讌且須臾
我行已有期我歸尚無時驅馬首長塗黃雲暗天隅
揮手謝故里鳴劍向伊吾

班婕妤

詠扇

纖手成紈素裁爲天上月承歡九夏時披拂勝霜雪
月形有圓虧此寧無棄絕棄絕難重陳分作經年別
感君篋笥恩怨此涼風節

魏文帝

遊宴

曹丕

高臺攬明月嘉木蔭通川
鳴鑾賜輕飈委佩承霏煙
置酒清夜中微露沾衣鮮
華星爛池沼闌芳郁蘭荃
畱連意未央所樂在客賢
文采如霞光五色耀賓筵
共此娛清暉莫待升朝曦
華鐙何熠燿曙色漸熹微
冠蓋陪輦路還望朱宮歸

陳思王

贈友

曹植

伊余慕芳軌雅志在友朋
平生二三子晤言懷抱傾
君王築金臺得士願與升
楚材實晉府趙璧走秦庭
況我素心人聯翩騰青冥
擣藻雲漢麗陳義金石貞
鬱鬱挺松節猗猗揚蘭馨
願言各僊俛際此皇路清

劉文學感遇

楨

鬱彼小草芳託茲大厦蔭結根欣得所紉佩懼匪任
后皇毓嘉樹薄植厠不禁夙陪清夜遊顧慙恩私甚
敢方騏驥駕願比管蒯絳廣殿羅尊罍既醉膏澤飲
幸同羣草榮永沐華池浸

王侍中懷德

粲

夙昔賦式微竄身辭咸陽煙塵莽無際驅車悲未央
矯首晞帝京宮闕隔蒼茫晨飈襲渭清落日浮河黃
嚴霜被曠野叢薄昏連岡我馬瘠不前客淚暮霑裳
幸茲三階正微軀遭運昌感激戀新恩低徊思故鄉
故鄉杳難歸新恩重莫量清池魚所依枉渚飛鴻翔

願矢百年期效節淩冰霜即此答深眷慕義永不忘

嵇中散

言志

康

余慕攝生客遐舉辭世閒青雲爲衣裳白石饑可餐
朝日吐朱華吞咽潤玉顏遊行八埏內羽駕雙驂鸞
但悅德充貴豈知塵鞅牽蓄志久未愜端居寡所驩
駕言徂東郊適意眺岡巒鳴琴再三弄濯纓臨迴瀾
林閒睇飛鴻弋繳安可攀上士契妙道真人潛深淵
晞髮或陽阿訪道崆峒巔此願有時遂王喬可爭年

阮步兵

詠懷

籍

涼風動帷幕蟋蟀鳴中宵輾轉寢未安鬱紆坐無憯
青蠅或集樊黃龍昔遊郊諒無金石壽義馭安可邀

撫時憎怳惻達命終逍遙

張司空

離情

華

翠羽來海隅繡被飾駕央明珠剖蚌中作珮貫一雙
安知中道分離別守空房玉階生春草蘿幕驚秋霜
君歸諒有期我心殊未降羨彼由敖詩感歎晨風章

潘黃門

悼亡

岳

羲和無停景望舒有馳暉傷彼蕙蘭花一夕隨霜腓
青松閼墓門明月來重帷室聞鳴琴響帳掩清鏡輝
撫序自悽愴夢寐猶依稀迴飈蕩草動之子當何歸
歸來已難再覩物屢歎慨衾裯故香滅奩具餘膏在
何以寫我憂命駕隧道外淚沾碧草滋凝睇蒼煙晦

諒非巫山靈安能朝暮對恨無少君術倏忽聆警歎

陸平原

羈宦

機

橘柚生南國辭根來華堂謬蒙恩澤加微實敢自將
嗟余去鄉里遊宦洛川陽簪紱嬰朝榮材傑追翺翔
既承儲后嘉遂忝賢路妨平生桑梓歡道阻限關梁
身無雙飛翼矯首空瞻望疇昔服古訓賢達竊所臧
未遂請長纓有媿要金章明發懷所生起坐增忼慨
南飛見鴻鵠津路正渺茫

左記室

詠史

思

信陵爲魏將能抑強秦威相如下廉頗意氣世所稀
烈士誠慷慨小儒安足爲漢武征匈奴五道揚旌麾

封侯或豎子猶令飛將悲商山隱四皓一出奠漢基
魯國存兩生叔孫媿朝儀金張信虛貴方朔豈滑稽
請纓固所慕投筆未足希

張黃門

苦雨

協

丹崖層陰舒青冥朱景斂滉瀼沒池島霏微溼琴簟
佳客期不來幽芳愁莫攬悠悠倚前楹望望臨朝檻
端居正鬱陶歲華忽奄冉蒼苔日夜長洩雲無時減
鸛鶴鳴空庭徘徊暮成感

劉太尉

傷亂

琨

皇運有微缺風塵驚寓縣七國雄雌分九州疆索變
伊余實遭逢寢興感深眷緬彼磻溪翁一起周室奠

魏士有送行趙客常自薦恨無桓文功僂俛慙利見
登高望舊京古路浩漫漫虞淵薄夕春野火飛雲電
蹉跎歲月流撫事爭繆戀烈士情莫申悲咤興夜半
念我同袍友信誓久旦旦行矣功名期努力勿愒玩

盧中郎感交

諶

佐治須良材扶顛賴偉器時屯雲雷盈運休經綸至
余無宏濟資蚤託婚媾誼感遇多酸辛服義久密窵
處患心所同投艱力則異戎行矢僂俛古訓共刻厲
狐偃相重耳匡周定王位樂毅從燕昭報齊得十二
愧乏古人節坐籌匪奇計愴懷念離亂金石感交契
良朋能好我夙夜待嘉惠庶以收薄效稊稗濟饑歲

郭宏農 遊仙

璞

徘徊霞上期逡巡闔中境金庭駢紫芝珠宮列丹鼎
服食好顏色委蛇駐光景邂逅洪厓客淩颺極遐騁
白日耀崦嵫滉漾青雲影照見采藥侶明霞窗戶罔
願言追鴻濛永謝雲將請

張廷尉

雜述

綽

鴻鈞襲氣母披拂散大塊混沌已剖判羲娥更遷代
至道藏冥冥真宰意孰會流觀老氏訓神氣追象外
寓言聆十九純白道所載願爲五石瓠有慕三尺喙
昏默乃至精弔靡始無礙緬彼漢陰翁機心肯畱內
參寥與疑始乘化共一輩清辯思洮洮晤言誰與對

安能御風遊寥廓期迅邁

許徵君

自序

詢

登臺競熙熙踵息自謂詡脫落塵網牽返觀妙靈府
余懷寄昭曠願託巖穴侶棲息乃神全澹泊得吾所
蒼蔚冒丹崖芳鮮媚幽渚孤鶴響遠音鳴琴奏清呂
眷言二三子同心堪晤語元談得佳勝至理繹微緒
繕性勤斧藻天光發定宇庶幾凌雲姿曩哲追步武

殷東陽

興曠

仲文

疎襟悅曠蕩放意遂所經華薄望葱蒨雲天矚遙青
峯勢側峭峭溪景涵冥冥芳葩欣可依長坂憩所停
未能謝簪紱暫慕濯塵纓高人無係累善閉非關扃

一展林壑眺居然達者情

謝僕射遊覽

混

晨興任所萃駕言徂秋郊悠悠野步寬肅肅涼天高
佳菊茂鮮英寒泉鳴泐寥冠佩暫蕭散雲霞試招要
信有物外賞達觀何若若樂國聞建德阻彼道里遙
懷哉不可往心焉日怵怵且爲濠上觀慰此區中勞

陶徵君

田居

潛

春風南陌過景物一以新柴門對平疇遙望綠色勻
居人事耦耕饁餉出清晨各殫一日勞終業還欣欣
而我亦歸來比舍煙光曛百年有如此役役竟何因
沮溺曠難期言尋田父論

謝臨川遊山

靈運

浦漈極縈紆巖巒遞下上凌負多遐覲眺窅無凡狀
曩懷邱壑耽茲遊心境暢車輿久淹畱舟楫信游漾
丹赭冠翠壁白雲帶青嶂潛瀨竅無底鬱蔭延層障
徑窮忽得豁岸變乃迷向溪孕金碧碎谷吹笙籟壯
林麝過疾影沙鳥引圓吭氣歡畱深溫襟悅寄放曠
睠言塵慮滌願尋圖牒訪神遠迹益超地靈想祛妄
怡懌獲夙期優游契新贖

顏特進

侍宴

延之

璇璣七政齊松雲三階正昊天肅穹宇白藏凝擎令
清問緣閔岷大觀爲承聖蓼蕭集千品玉食供咳姓

禮儀旒藻褰樂倫箭籥聽桂殿挹巖嵐椒塗臨沼鏡
式廓紆皇顧邦圻延帝乘流覽陟屢屨息憩竚庭逕
辰旗灝露灑星弁瓊華瑩賞協刻玉遊跡異宴瑤詠
向日知東升採風識南競際茲四聰達勉旃百祿罄
恩渥溢鷺陪詞慙齊鶴應願效藻薦虔庶比茅藉敬

謝法曹

贈別

惠連

南樓翫遐景北湖陶嘉月靈境既遭迴逸興忽超越
如何雲山隔遂有參商別浦上握若荃江中遺佩玦
佩玦聲泠泠睠戀離筵情飛鴻有遠音去翼無近程
巒岫轉回互雲水度杳冥之子渺何許迅鷁方孤征
孤征閱昏旦懷人屢興歎木桃起晨詠瑤瑟動夜怨

延領絕影響首路遙河漢漸恐歲月流芳華傷時宴
時宴誠難追寤寐縈所思夙志匪石堅新盟皎日暉
淹泊唏靡託流連佇前期華藻一展覲郢和慙陳辭
陳辭述離騷點翰增鬱陶回帆想天際艤棹應江皋
人與青春還愁將白雲消悵然念君子睠焉發長謠

王徵君

養疾

微

桓褐信非病煙霞時成痼白谷無纖翳翠崖多霏霧
褰幙瞰晨光凝睇丹霞駐采藥判叢草濯纓延遠步
水木沓層景渚禽下薄暮悵無滄溟期服食駕三素
山中有薇蕨歲宴於我處

袁太尉

從駕

淑

秋霜怵皇衷嘗享肅靈命祈年蕃百昌祝釐字兆姓
諏吉豫潔蠲致齋合清淨越席大路陳金奏王夏詠
鳴鑾凌飈和抗旌陟麓映章服闕宮趨徒御歸塗亘
德輝燭羣觀赫聲震遐聽采詩詔矇瞽考禮協明聖
威稜四隩屆嘉樂九有應煦嫗齊訢合濡沫徧行慶
即此聆夏諺何慕觀殷政湛露惠已優濟川才豈競

謝光祿

郊遊

莊

秋清出近郊物色多晚姿片片涼雲高澹澹淥水漪
汀下寒鴈侶巖隱清猿嘯林丹楓葉鮮岸華菡萏披
時聞桂霧芬屢涉草露滋信無氛埃想奄有滄洲思
願酌丹巒泉更采西池芝珪組未足牽喬松詎難期

元賞得真契庶謝塵鞅

鮑參軍

戎行

昭

我從故鄉來萬里赴戎行戎行赴何所連連古城長
孟冬十月初殺氣成雲黃高山上漸漸寒流渡湯湯
將軍信嫖姚突騎皆漁陽平生慕衛霍功名青史光
言賦六月詩行歌采薇章閨人勿傷別聖代方開疆
歸時明鏡中應未驚秋霜

休上人

怨別

涼颼動瑤瑟天際多白雲佳人渺何許日晏憂思紛
淒清玉階露寂莫翠帳薰錦字將寄遠夜寒不成文
更欲託微波微波去沍沍蘭缸虛照燭博山自氤氲

瀟湘多蕙草采采憶夫君

雜擬七首

金谷集作

潘黃門

王子趨京畿石友牧海壖良朋悵離居樽酒暫逡巡
睠茲金谷水東南經芳園嘉樹茂碕岸離草帶平原
蘘葢閒若櫛薪莫映薑黼坐看藹藹陰行隨瀼瀼泉
步欄折閭芳俯檻窺鯢桓青山入淥酌好風歷朱弦
聊奏金石調頗隔塵埃紛杯行樂欲闕君子方贈言
於今同志希在昔古處敦倘遙會面期尺書以相存

觀朝雨作

謝宣城

春風吹春雨來自青林梢紅樓望隱見綠野想蕭條

網戶霑如霧瑣窗映似綃簾卷疑常下鑪寒訝未銷
空灑渚鴻陣難溼梁燕巢別緒盈南浦農慶徧東臯
卽此展良覲賞心誠逍遙

遊東田

謝宣城

涉茲東山麓言值芳菲時白水渙增波丹崖發華滋
開軒雲樹近酌酒庭陰移聊同靜者觀將爲達士規
日晏還城闕煙涵遠景微

怨情

謝宣城

逡巡避新歡踟躕憶昔宴朝爲春日花暮作秋風燕
歌樓怯重登舞衣慙復見坐覺恩情去兼使韶華變
今眉有雙嚬昔笑無一賤援琴寫鬱陶絃絕難勝怨

詠月

和王中丞

沈休文

已知良夜靜復此月華來偏向高樓滿能令虛幌開
坐對心澄寂起步影徘徊遙思風動桂近想露盈階
茲夕聆清唱遙跂上客才

登西南岡卜居遇雨尋竹浪至豐壩縈帶數
里清流茂樹雲物可賞

韋左司

登頓緣擇居遇雨忽成游泛濫展遐覲黃緣近沙洲
長川開遠鑑高雲臥清流下觀盡原隰四野禾稼秋
時見漁樵人旋入林巒幽我欲從之語徑轉尋無由
佇立久忘返前山暝色浮

種藥

韋左司

養疴亦園中種藥乃砌畔一一自剖別不與羣草亂
牀頭神農書手繙屢講貫頗待陰陽足靈液內輸灌
敷芬既條達擢英或葱蒨可免求市囂庶異采山勸
公庭課護培兼資朝夕玩

劉文清公遺集卷第一

杭州愛日軒陸貞一仿宋鐫

劉文清公遺集卷第二

五古四十七首

和張子慕青韻三首

存雪亭

登茲存雪亭不見舊存雪古雪億千場冬春幾融結
人事有代謝古路豈古轍道眼湛不搖真理悟非說
吾友宣城秀一言辨醜蔑同來官署清圖史聊宕跌
暇日步西園拾級偶聯趺午景正暄暖老樹僵瘦鐵
想見飛雪時石逕微蹤滅何如葱嶺頭千秋我不缺
延望思悠悠江天渺愁絕

不繫舟

寄身宇宙閒浩然得天游此心苟無累曠若乘風舟
揮斥八極寬俯仰載中流方寸不可貌萬象一以收
有亭作蘧廬孤子無與儔下有一水泓旁有萬竹修
水竹更相媚清霽豁我眸此舟隨所往溟漲同陵邱
夜闌不歸寢橫天看斗牛

登存雪亭

并引

坐間話余伯祖木齋公督學兩江軼事來
詩專道此意

伊余從大父余不逮侍側余祖

方伯荷
齊公

恩綸溫獎記顏色視學兩江畿古路闢砥直遺編見
別裁識議良卓特年遠人罕知塵網費拂拭螢窗有

苦吟蠹簡敗簾得捧誦知典型經訓頗羽翼曩篇本
習見序論出真臆小子愧無似蕪句豈述德承

恩莅此邦稽古敢言力文章有元氣至寶不凋刻浩
浩江湖寬攬秀待伏軾清風遡先民得士足華國緒
言接友朋感子傾倒極危亭坐懷古歸可忘曠黑屬
和志拜嘉寧去誇翰墨

河亭和韻

坡陀復渟泓蒼鬱又颯爽有木詎可樵有魚未容網
一亭距水涯三楹頗高敞創始更起廢前輩並堪仰
其南復一亭俯水看過顙其北有峻阜矗若仙人掌
遙觀宰堦波迴軼埃壒上有山戴朱閣可以瞰潮長

凡茲遠近勢臨江浮沆瀣吾亭會其全泰宇廓天壤
新詩待佳客跨鶴同披氅

擬梅聖俞觀毘陵寧公畫草蟲

善畫不形似拘拘笑刻鵠神運官欲止不投夔蛇足
寫物到小蟲天機自追逐一一草閒情探自畫工腹
鳴躍各殊態宛爾堪指目坐覺秋煙多焉知染毫速
明窗注爾雅政要此百幅吾師藝事精前輩見應伏
端由禪觀深未是畫工熟持贈苦吟人空庭慰幽獨
擬高青邱太湖

三萬六千頃所匯非一派方圓數州閒犬牙錯壤界
朝光盪溥桑夕露醞沆瀣極目不見涯放艇那愁隘

浩浩復湯湯蓄洩恣雄快東西兩洞庭風物縱幽邁
霜肥柑橘實潮壯羸蛤介揚帆各遠驚激激微陽曬
有時遭猛風中流舞澎湃雖憑三老慣亦畏高撞壞
巨石如羅刹濤擊無時懈遂開混沌竅玲瓏失頑塊
當時笠澤翁扁舟家一芥江湖拜散人好向浪婆拜
叢書有微詞染指論成敗白蛇良可驅馴鴨何堪賣
自是山水人未了漁樵債此邦實繁會形勝重守戒
隨刊溯禹跡靈祕或鎖械到今雜良莠長吏厪拔薤
何時濛晴景未用燭幽怪仙隱如可逢煙霞任成瘵

擬東坡惠山三首

我昔到惠山

鑾輅蔚以蒼祥風轉巖谷花雨飛軒堂鏘然振

天筆宛若雲龍翔屬和到詞臣捧持日月光峯壑承
盼睠墨瀋畱天香惠山信叨惠綺麗那可忘

我今憶惠山想見山中人盥漱石髓香齒頰含芳新
仙隱隨所欲玉骨堅不磷咫尺未能到自媿十斛塵
朔風盪簷隙舞雪來高旻惠山溫且惠幸與山爲鄰
我將往惠山長夏蔭清樾冠童六七人襟抱共清絕
修綆出瓊漿一吸三彭滅歸來蕭寺中玲瓏見松月
遲此日如歲不寐待明發惠山蕩惠風低枝無埽轍

擬東坡玉女洞

仙子住仙洞淳風應裂繻而我猶塵緣取水仍置符

水味強分別截鶴兼續鳬山僧聞大笑子能知水無
如此無慧人且當飲以餘飲餘無不可水厄防嗟吁

讀東坡和陶詩

天游無畦畛放意隨所之子瞻和陶時不自知爲詩
淵明非詩人子瞻豈文士所稟有妙合所作豈形似
擬陶淵明經曲阿作

山川風日美未暇讀我書飄飄遠行役慚愧靡所如
高賢得時駕朱紫耀天衢榮進智所拙作計乃爾疎
田園不遑處情志轉鬱紆路長僕夫困一憩跋涉餘
道旁見童叟比舍各安居高林有飛鳥深淵有潛魚
適時各得所笑我神形拘何時謝簪紱青山滿屋廬

古宮怨

妾昔豔陽年妙選充金屋竭情奉君王款款輸心曲
辭輦稟良規當能效前淑恐爲君德累承歡不願瀆
妾心井不波君恩水竟覆未待桃李衰已覺冰霜酷
作賦豈無人未敢替初服但得吾君安妾願良已足
題畫貓和韻

爾雅訓毛蟲巨細羅百獸或受畜以馴或在野而驟
有毚者爲貓賦性糧鼯鼪爪牙匪甚強依人得保壽
騰擲茵蓐閒唐突雙卷袖賦食飫甘肥分暖偎纖繡
所嗜了不移是殆天所授日殺鼠輩幾竊疾誰所救
鼯聲厲飽睡里嫗謂梵咒頗有好事人毛質費品究

買薨曉拌粒穴窗夜由竇翦尾大以麤理毳溫且透
嗟爾微末者何幸遭庇佑金鈴繫三尺警猛堪使啖
豪家守鑰魚古剎護峯鷲若以功授食無技可比鬪
胡爲太不均勞逸殊肥瘦又如籠中禽解語工伺候
辛勤萬里來幸得逃射宿金眸視耿耿並育敢相湊
時逢乳字期列屋開奔吼惡聲劇訓狐兩矢宜夾脰
我聞古蜡禮簫鼓喧冬晝報汝亦已豐本爲禾苗秀
誰初愛蓁養僭越上階螭侵尋到畫圖貌取煩神構
開緘碩且腴恐壓絹楮皺索題須滿幅語瑣類孩幼
相嘲非過貶詩意避凡陋

讀戰國策

三卿既盜晉八世亦代陳惟楚本彝蠻又非周懿親
惟燕召公後甘棠迹已湮凡此六孱王無不嗜殺人
如有王者作豈獨誅暴秦胡爲百世下不謂厥罪鈞
但知閔亡國誰哀此下民開卷發深喟成敗何暇論
往者誰與歸當時惟孟荀

荷花翠雀

風清月未曉露珠千萬箇秋荷淨如拭葉捲秋煙大
微涼襲玉膚意態轉無那低昂不自持傾欹旋欲媚
幽姿雖尚斂隔溪香已過此際悄無人青禽自窺破

題畫

容容山頭雲潺潺山下水雲外有杉楓水邊富蘭芷

不雨候常陰無風籟自起彷彿濯纓人鼓枻滄浪裏
和涪翁竹石牧牛韻

人與牛俱閒石緣竹得緣行行且止止了不見鰕鱗
突兀石似雕宛轉筍如角前村夕照明吹破一枝竹
題畫

殘陽下四山金碧晃巖岫飛泉木杪白怪石澗底瘦
遙見小橋橫復有茅亭構迢迢遠黛青天半出高秀
邈若姑射仙可望不可就

和二十六弟龜石研

君詩意珠圓來處非泥沙枕肱經籍中光澤日有加
別來裁幾時研鐵磨應窪相逢一握手笑我添鬢花

開函出家言拜問尊候嘉遠惠得美石附子行李賒
宛如曳尾龜蛻骨仙非夸寶此張吾軍篇什披英華
吾慳賦咏新君富比興奢五言甚清便辯如炙轂車
心源有活水濬發開豁訝以此破萬卷奚可涯量耶
北窗涼風來邃學非浮誇鄉音數往還誨我置齒牙
說研珍手書文律窺一家子孫長保用慎守無謬差

陸賈

趙佗老匹夫竊粵間秦亂恃遠出慢言何遽不如漢
陸生非壯士緩頰功未半謂宜挈以來前罪赦弗按
詔吏完其孥編入赤縣貫既復禹蹟舊又絕邊氓患
如何貪橐裝不較其倨慢遺禍到終韓千秋有餘憾

擬雪事八詠

東郭先生

豈失爲盜道一寒乃至此縱然繫麻鞵不免傷玉趾
去去將何之行行盍且止先生輾爾笑非病貧奚恥

蘇武

不作少卿降漣酪但睨之雪花大如席朔野寒苦饑
羶裘齧難斷齒決流冰漸黃鬚卷鼻兒舐掌擇羊肥

袁安

長安雪一丈丞相賀有年豪家理絲竹舞態同迴旋
高臥彼何人不出惟晏眠剝啄問無恙吁嗟令亦賢

王恭

鶴氅幾時著應爲雪下不行步何翩邈逸態真浮邱
向使作令僕未害稱名流咄咄若而人乃領荆江州

謝安

長柄揮麈尾席閒落霏霏撒鹽句不惡風絮語更希
階庭下無聲玉樹奇花飛試呼小郎和理屈爲解圍

祖瑩

苦寒讀未休向夜鐙火絕挾策意欣然喜見一庭雪
鉛黃或暫停卷帙還堪閱吟聲斷續聞窗外竹響折

陶穀

不及党太尉猶勝玉川子埽雪映纖纖清況還自喜
他日袖中文求親反見鄙終身無廩仕朵頤羊羔美

楊時

不見馬季長後堂畱譔劇不見鄭康成雄談傾主客
寂寂先生門誰與共朝夕二子侍屹然庭前三尺白
讀孟東野詩用東坡韻

苦吟似苛政瑣細窮牛毛不如由坦途快若風水遭
異哉溧陽尉推激餘風騷齒齒石瀨閒終歲困一篙
却看潮州韓轉施曾無勞聯句時或勝蟹制虎以螯
一編耿孤月銳思覃秋毫怪渠腸胃清難受經籍膏
腥羶又不染祇此寒蛩號淒心恐疑紙解散宜沃醪
曉角有嘉句意外得奇語終然不堪學盜天裁雀鼠
乾坤祕清氣一縷入肺腑平生飯不飽空腹漫自煮

遨遊廢公事荒蹊愛邃古坐此失薄俸破甕那容舞
韓公雅好士不暖北邙土此君竟陸沈疇昔漫縞紵
遺文差不俗寓意每堅苦絕勝籍與湜侯門日旅旅
月夜讀天台三大士詩

庭院既空濶明月自流照開卷讀遺詩清輝在孤調
不知何所蘊寫意見淵奧每憐世人愚屢說真詮妙
寒巖古木中雙壁炯聯耀饒舌者何人舊院於菟嘯
一言偶發覆萬劫共觀竅我讀三人詩不覩三人貌
三人今何在已往不可召明月入窗櫺掩卷忽成笑
擬唐人望微雨

極目望寒空絲絲若無有冥濛已著花飄蕭更沾柳

煙火出孤村微茫見童叟

望江上山用太白詩韻

臨江山盡好兩岸多奇峯排空列屏嶂一一青芙蓉
陰嶺闕古雪清溪搖寒松還丹不畱訣采藥寧無蹤
方瞳綠髮人樵客時相逢我欲從之往白雲深萬重
竭來上箬嶺俯身若窺井仙人不可招煩襟浩難整
流光忽西東仰首攀晴空何時鍊金骨去躡雙飛虹

遊仙

大造斡元氣藏舟去誰覺流光忽西頽坐失少年貌
仙人王子晉著書談道要貯之石室中丹光夜相照
世人那得窺靈言祕清妙一朝白鶴來徑赴虛皇召

雲中吹玉笙天半落遺調蓬萊水三淺顧之裁一笑
下視六合閒雙丸自奔跳

即事用韋蘇州韻

北風天微寒村居轉幽靜庭柯屬搖落衆綠失清影
猶記春半來花閒試新茗

題畫二首

達人胸次闊萬景相摩盪世緣了不侵一室聊自養
築屋不須多種竹或三兩窗閒聽禽友庭下拜石丈
白雲從何來亦復向何往我心與之俱吞吐不容強
埽地有餘清香篆變俯仰此際興頗佳況有剝啄響
客本巖中居來話羲皇上幽夢杳難尋茶煙裊書幌

一笑對江天悠然脫塵鞅

杜老老何有庭中有獨樹歲寒霜雪盛柴門掩煙霧
牆頭過濁醪此樂凡幾度崢嶸富詩句果腹給朝暮
已對阮生松更有張園芋蒼然圖畫中乃得浣花路

海市

海中豈有市而竟非鑿空萬態極明白洞然心目中
陰火具鑪鞴天巧非人工水族稱鱗長易象推羣龍
或是其所爲百戲賓仙翁與人本無關如鬪爭雌雄
僑也委不知於理有不窮昌黎詫衡岳石廩堆祝融
坡詩復矜此鉅響聯鏞鐘山澤皆有市但遜海若豐
氣聚鬼神在能冶萬物銅感應太行現亦復煩清風

眼鏡

老人目應昏看花如隔霧少壯亦有之均要琉璃助其法從西來頗嘗叩其故云眼光惡散中凹乃能顧聞言啟余衷心光更宜聚黏湛劫家寶徇外誠大誤何當斂神耀萬法本來具未嘗有入出何況覓來去斷彼明暗緣常光守吾素

樂全堂印

私印乃玉琢未知屬誰家璘璠土花斑心識歲月遐其文作大篆結構疏以華鸞飄鳳泊奇四字鐫深窪摩挲三歎息在市經塵沙物當以人重言大實非夸我懷張安道偉抱堪興嗟仕當仁廟時忠讜效已奢

恨不究其用起什遭喧譁學佛有宿慧幻滅如枯槎
雖嘗帥秦州戎馬籌驪駒而志在弭兵仁勇誠無瑕
爲堂曰樂全胸次誰能涯要當致太平傾危絕萌芽
豈料靖康禍階厲羣兒哇青苗骨髓乾紹述百脈邪
此時衆君子先後凌紫霞恩怨久已亡毀譽無由加
史策信炳烺皎列蓬與麻文章乃餘事酬倡聯芬葩
印畱公手澤考證無譌差儼如鄭公笏匪曰瓊瑤誇
望嶽用杜少陵韻

崇山遇者多仰止心未了三大嶽秩尊六宗經訓曉
登陟悵微軀往來羨飛鳥淵乎聖所見神矣天下小
皇六子出示素冊乃近日詩稿一紙有汪持齋評語

持齋奄逝爲之感愴承 教作詩書於冊末

講席懷從容篇章畱點次謙挹既虛衷愴惻復厚意
整齊素冊裝鄭重楷書識展閱共興慨題詠各言志
平生久澹交趨直近同事溘焉竟非料浮生信如寄
乃聞無疾苦不知證何地出入蓬萊宮或是香案吏
逝者未嘗~~其~~斯言亦深致乞詩豁襟情願聞第一義

繩菴相國遺照四首

海山與兜率誰住復誰行開卷未人遠依然見端凝
謝公含雅量岳峙兼淵渟丹青杳真幻惆悵難爲情
鴻文本經術選理亦時用上爲

宸極知下爲士林重篇章播朝野燕許相伯仲黃扉

道益光大厦要梁棟

趨庭記疇昔執友惟生平侍坐每言及論詩容繼聲
歲月不我與鬢雪忽已盈祇今忘言說悟理孰凡荆
宗伯館閣舊相與如弟昆金石堅結契水木同根源
庶幾直諒益益夙夜酬

隆恩先民有良規志勵情彌敦

齋居偶作

習靜悟昭曠讀書慕曩哲耳息窗中颺心空簷際月
疲荼苦智乏穿穴亦去末簡編浩以繁微言豈淪沒
掘泉不九仞如何救煩渴悠悠我之思擾擾日逐物
歲月費已多程功未豪髮策蹇登長途有生諒難歇

謁明道先生祠

堂宇已宏闊
庭院何靜深
瞻拜肅我容
默想達者心
大道悟夷曠
遺輝照儒林
羣言皆支流
末學譬孤岑
孔門山海觀
從公倘可尋
微言諒難會
澹若朱絲琴

劉文清公遺集卷第二